



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

21. Tertio die nuptiæ in Canâ Galil. quot species nuptiarum.

urn:nbn:de:hbz:466:1-12221

SYMBOLUM 21.

Tertio die nuptiæ factæ sunt in Canâ Galilææ. Ioan. 2. apud S. Aug,

Tertia lux aderat nuptiæ clarissima tædis,
Clarescit Triadis, sed magis illa face.
Est aqua divinos in vini versa liquores,
Quo genitor Natum comprobat esse Deum,
Convivæ ut reliqui venit ad sponsalia Jesus;
En sumptis hominem se probat esse cibis.

Not. Moraliter ex S. Bern. in Sent. tres species nuptiarum. Prima est reconciliationis per fidem. Secunda adoptionis per Spem. Tertia glorificationis perfectæ per charitatem, quæ est perennis SSS. Triadis visio.

SYMB. 22. de eodem,
Et metretis ternis.

Bis ternas memorant hydrias præconia Christi,
Tres quoque metretas hydria quæque capit,
Ne dubites inter Triadem sponsalibus-esse
(a) Inde metretarum mentio facta trium.
Testis adest oculata fides, metamorphosin istam
Acceptam Triadi terna metreta docet.

(a) Capiebant singula metretas binas vel ternas, quia scriptura sancta, auctores & ministri prophetæ, modò de Patre tantum loquuntur & Filio, ut est illud: omnia in sapientia fecisti: virtus enim Dei & sapientia Christus est. Modò etiam Spiritus S. faciunt mentionem, juxta illud ejusdem Psalmographi: verbo Domini cali firmati sunt, & spiritu ejus omnis virtus eorum. Verbum, Dominum, & Spiritum, totam, quæ unus Deus est, intellige Trinitatem. Ven. Bed. com. in Joan. 2.

SYM-